DISCOVES 3.

SVR LES SIMPLES

Ingrediens de la Confection de Hyacinthe.

Preparez pour la composition d'icelle en la Boutique de la Damoiselle vesve de seu Sieur Iaques Moze viuant Maistre Apoticaire Iuré en la Ville de Lyon;


Publiquement prononcé par IEAN PAVL FERRO, natif de Nice de Prouence, esfudiant en Pharmacie, es trauaillant d'icelle en la sussitie Boutique au mois de Septembre 1663,



A LTON;

Chez CLAVDE GALBIT, en rue de la Belle-Cordiere.

and the second of the second of the second A THE RESERVE OF THE 11711 1 150 SHOTE B. des civipis control 2 3 4 5 6 7 8 9



A MESSIEVRS

MESSIEVRS LES DOCTEVRS EN MEDECINE PRATIQUANS

En la Cité de Nice DE PROVENCE.



FSSIFVRS.

Ie m'esteue sans doute trop baut , & peut estre il est à craindre que m'approchant de trop pres des rayons, par lesquels vostre science éclatte auec tant de lumiere , il ne m'arriue comme à Icare, & que me noyant dans cette Mer qui flanque les murs de nostre ville, ie ne laisse un nomqui serue de memoire à mon entréprise trop bardie. Pourtant , Messieurs , quand ie me considere comme un de vos ouurages, on si vous voulet une de ses plantes que vous auez soigneusement cultinées, pu sque i'ay commencé d'esprouuer la bonié de vos foings des le premier iour que se me suis voue à la Pharmacie, se serois le plus ingrat de tous les bommes, si ie ne vous offrois des premiers fruitts qu'elle m'a fait produire ; aussi l'espere qu'on reconnoistra que c'est plutost par un motif de gratitude que de presumption , que ie viens vous presenter ce premier effay de mon tranail, vous suppliant de supporter ses defauts & de proteger sa foible fe, afin que la calomnie ne puisse dechirer à sa naissance, ce qu ayant afte concen à Nice ne doit pas dementir son nom qui est tout victorieux, plan O peut ansir l'honneur entre vos mains d'estre comme un trophée des labeurs à radque i'ay fuby en m' exerçant dans les meilleures bonsiques , & fous les plus ex- vender perimentez d'entre les Maiftres qui fleuriffent par tout le Royaume d'où ie vous lat.vin. écris. Receuez donc se present comme un témoignage de ma reconnoissance, qui coight bui gui wincite à publier est escrit, platoss que la vastiré, lequelle pous, la plussar à faire des lissers. L'ésprance que von ay me donne taus de courage, que quo que la Composition, sur taquelle ie m'empleye soit von des plus éleuce, ches-d'ausures de la Medecine Pharmaceutique, sur tour essant voir fentée à la face d'un College de Docsieuxs si eles tres que celus de cette vile, ne me mets plus en paine d'yreisser, si ie suit certain que vous me sonssiries, la qualité de

The second secon

MESSIEVRS .

Vostre tres-humble & cres-obeissant Seruiteur IEAN PAYL FERRO

新热热和热热洗涤热热热热热热热热热热热热热

CONFECTIO DE HYACINTHO D. Iouberti.

Ex Septima Sectione Pharmacopeae Lugdunensis descripta.



Cum Syrupo de Limonibus fiat Confectio vi Arais est.

MESSIEVRS,



OM ME la Nature se fait admirer en la production de tant de diuerfes cho-fes qu'elle nous fait naistre pour l'em-belissement de la Terre, aussi en mes-

me temps se fait elle considerer en l'influence des excellentes vertus qu'elle à fauorablement dé-parties à chacunes d'icelles, pour l'vsage & maintien de la santé du corps humain; ce qui se voit à l'égard des choses, non seulement les plus ex-quises & pretieuses, mais encore des plus viles & moins considerables, lesquelles possedant quelquesfois d'aussi grands auantages en qualité que les autres, semblent ne deuoir pas estre rebuttées ains estre estimées & exaltées par leurs vertus plutost que par aucune autre consideration; c'est dequoy la presente dispensation ou composition nous sera bien tôt voir l'experience, puisque des choses les plus communes qui entrent icy dedans, nous en voyons à la fin refulter par le moyen de l'Election, Preparation & Mixtion des medicamens, vne puissance ou pour mieux dire vne vertu composée alexitaire & cardiaque, propre à fortisser & réjoüir le cœur aussi bien que les autres visceres. Toutesfois comme il pourroit sem bler chose trop desauantageuse à vne si belle composition de la considerer seulement en gros, l'ay resolu de vous faire vn discours particulier sur tous les medicamens de cette Confection, en trait-

tant de chacun à part, pour vous faire connoistre, que si on à de l'obligation à la Nature de ne nous auoir rien donné d'inutile, nous n'en deuons pas moins auoirà l'Art, lequel par ses soings & son industrie ne nous presente rien d'imparfait, & qui plus est, il tire par ses inuentions tous les iours rassinées, comme du plus prosond d'vne mer les impuissantes vertus de chaque chose, pour les faire reuiure & reluire esclatantes à la veuë de tous les hommes. Bref pour ne pas lasser vos patiences, ie diray seulement que tout medicament est compris sous trois genres divers, sçauoir, les Animaux, Vegetaux, & Mineraux, desquel partent ou procedent beaucoup d'especes differentes, & comme les animaux sont ceux-qui ont plus de rapport auec la Nature humaine, il feroit ce me semble plus iuste de parler d'iceux, les premiers en tant que les plus nobles; neantmoins ie commenceray par les mineraux ou leurs dependans, lesquels se rendans dans nostre composition autant recommendables par leurs excellentes vertus preseruatiues & corrobatiues, que par leur rareté & prix inestimable, ie croy leur pouuoir faire meriter cette preference pardessus les autres. Ce sera donc premierement par les Hyacintes, desquelles nostre confection tire sa denomination à cause que comme mises en chef d'icelle, el-

les luy doiuent affi seruir de pied & de base.

Les Hyacinthes sont des pierres pretieuses qu'on nous apporte des Indes & du Portugal, il s'en

troute dans yn seute de la Boheme de plusieurs couleurs disferentes; pourtant celles du Leuant sont les meilleures de toutes les autres, qui iettent vne couleur dorée, auec vne éclatante rousseur en forme de slammes de feu, estans d'yne substance dure & compacte, de nulle odeur & saueur, elles s'amassent & employent en tout temps, pour fortisser le cœur contre la peste & la gouttete; on en fait lesel & le magistere, quoy que presentement l'Autheur ne les veuille que simplement broyées & preparées sur le Porphyre, sans yadjoûter beaucoup de liqueur, crainte de ne dissource le sel, dans lequel toute la force du medicament est contenije.

Le Saphyr est aussi vne pierre pretieuse; dont il y en à de plusieurs sortes, des distrerentes couleurs, les blanes & ceux qui representent plus au vis l'éclat des diamants sont les meilleurs, rels sont les Orientaux preserez à tous les autres, on en tire le sel; mais il n'est pas besoing icy de tout cela, sussit qu'en les prepare impalpables comme les Hyacinthes, on se sert de la teinture d'iceluy, auec quelque liqueur propre pour vn tres bon Cardiaque.

L'Emeraude n'est pas de moindre prix que les autres pierres, par sonéclat de verdure tres agreable qui réiotiit & fortife la veije, au lieu que les autres quelquessois ébloitissent, il y en a de plusieurs sortes, qui ne different qu'en ce qu'elles viennent de diners Pays, ou qu'elles sont de con-

, 5

leur moindre ou plus rehaussées que les aûtres, les bonnes sont d'vn vert brillant & clair, de substance tres tendre & cassante, possedent beaucoup de belles vertus, beués en substance, arrestent toute dyssente ou flux de sang, portées sur soy sont bonnes contre la peste, fortissent la memoire & preseruent du mal caduc, on tire d'icelles la teinture & le Sel, nous les preparons comme les

autres cy-deuant.

Les Topases sont des pierres qui portent le nom de la terre d'où elles sont tirées, cest d'vn Isle ainsi nomméequ'il y a dans la Mer rouge, pleine ordinairement de broüillards, & d'vn autre nommée Chitis, d'où viennent les plus belles & les plus recherchées, leurs couleurs sont d'vn doré reluiant comme celuy du Soleil; elles ne requierent autre preparation que la nostre cy-dessus, pour leurs vertus elles sont propres à chasser la melancholie, dissiper les mauuais songes, & réioüir l'esprit.

L'Or est le plus pretieux de tous les metaux, autant par sa rareté que par sa qualité, capable de réioùir non seulement les yeux du corps mais encore ceux de l'esprit, on le tire des mines en pluseurs endroits, le meilleur est celuy d'Arabie &
des Indes Occidentales, il requiert d'estre purgé
auparauant que d'estre employé, selon les choses
desquelles il est melé, si c'est des ordures, sussite le
lauct auec eau emprainte de sel ou de tartre, si
c'est d'autres metaux imparsaits il se dissout dans
l'eau royale qui laisse sautres metaux separez &
C icel y

iceluy seprecipite, puis on le dissout dereches pour s'en seuir, & mettre en sueilles, à force de battre au marteau tel que nous en auons besoin; on y peut apporter beaucoup de preparations differentes selon les occurences, particulierement en la pratique de la Pharmacie Chimique plutost que de la Dogmatique.

L'Argent c'est se metail qui suit de prés la nature de l'Or, & qui n'est pas de moindres vertus, on le tire aux Indes Orientales & Occidentales des minieres particulieres, le meilleur doit estre blanc&sonnant, on l'employe aussi à d'autres rencontres qu'à celuy-cy dans l vsage de Medecine, pour nous ne nous en servirons qu'en fueille pour

le present tel que vous le voyez.

La Terre sigillée ne porte son nom que du sceau que le Turc suy sait apposer; lequel se trouue par sois different, selon la diuersité des Seigneurs qui affissent à voir extraire cette Terre pour la marquer & distribuer par apres, on l'appelle Terra Lemnia à cause de l'îste de Lemnos d'où elle se tire, il y en a de plusieurs couleurs, mais celle qui approche plus de la couleur de la Rose passe est la meilleure de substance friable & grasse tout à fait quand on la masche, de sorte qu'elle semble participer de quelque suis; elle à de grandes proprietez, ç'est vn merueilleux adstringent, elle resiste à la pourriture, fortisse le cœur & le cerucau, ç'est vn puissant sudorissque, principalement en temps depeste, & aux siévres, on connoistra

la soffistiquée en ce que dissoute dans l'eau elle ne fera pas l'eau grasse & sauonneuse comme la veritable, nous l'employons de mesme qu'on nous l'apporte la puluerisant seulement, ainsi qu'en beaucoup d'autres compositions cordiales.

L'Ambre gris est vne espece de bitume, qui s'éleue au dessus de certaines sources dans la Mer comme vn suc caillé & espessi, lequel venant à furnager, & mefines aborder aux riuages s'endurcità l'abord de l'air de terre, ses especes sont diuerses; pour le present nous n'auons affaire que du gris, qu'il soit de couleur cendrée, tendre & friable, & qui ne s'amolisse pas si-tost dans l'eau comme le falsifié, on en recouure quelquesfois de celuy qui est ietté sur les bords de la Mer Occeane, pour s'en seruir tel qu'il est, en le puluerifant seulement sans aucune autre preparation, autant pour fortifier le cerueau à cause de sa chaleur, que pour réjouir le cœur, à raison de son odeur tres souesue; il entre dans plusieurs composez, & particulierement dans ceux qui sont corroboratifs & cordiaux.

DES ANIMAVX.

TOVT ainsi que dans le monde il y a des hommes plus auantagez les vns que les autres, de mesme en est-il sur la Terre parmy les Animaux en general; En voicy la preuue manifeste en faueur du Cerf assez connu entre les bestes fauues, duquel il semble que la Nature ait esté eniouée, puisque elle luy a departy des qua-lités tres rares & pretieuses pour la santé, iusques mesme à ses cornes, qui ne sont qu'vn excre-ment de sa troisséme coction, la perte qu'ils sont d'icelles tous les ans nous sait connoistre que les meilleures en vsage de Medecine sont les petites, qui viennent apres d'vne substance tres dure, & compacte, au lieu que de tous autres! Animaux, les cornes sont creuses; maintenant pour nostre seruice, nous les brulons à feu ouuert, pour les reduire en parfaite blancheur & pulueriser seulement, ainst preparées comme en leurs sel fixe, volatile, teinture, gelée & magistere elles n'ont pas moins de vertu pour tuer les vers, resister aux sièvres pestelentielles & malignes, que les Os de leurs cœurs, lesquels se trouvent ordinairement dans les cours de Cost. dans le cœur des Cerfs les plus vieux, & non point des ieunes, ee qui n'est aussi qu'vn carti-lage espessi & endurcy à la longueur du temps, On l'employera tout ainsi que vous le voyez mis en poudre.

L'Yuoire c'est vne partie ou dent de l'Elephant qui n'est pas moins a considerer que les autres, on le prepare en le brulant pour en faire le Spode, mais à presentie n'en ay besoin que de la rappure, saite de ceste dent tres-dure en substance, & blanche en couleur, est vn puissant apperiris & chasse toute soiblesse, venin, & pourriture de l'estomach; on employe icelle à beaucoup de

rencontres, & le Spode a plusieurs compositions

Troichifques & Pilules.

Les Perles sont certaines excroissances produites de la mesme matiere que les Coquilles, d'où elles sortent d'vne substance tres dure, lesquelles semblent fort aux Huistres, & viennent dans vn certain temps s'ouurir à la surface de la Mer, afin de receuoir de nuict vne rosée, qui est le principal de leur generation, elles s'appellent Marguarita par leur beaute & mignardise, & Vniones, pour ce qu'elles naissent toutes seules en leurs Coquilles, que si quelquesfois il y en vient deux, elles se forment tout en yne, qui sont celles qu'on nous apporte faites en forme de Poires, il y en a de deux sortes des Orientales & des Occidentales, les premieres sont preferées aux autres, principalement les Persienes, qui sont les plus brillantes en blancheur & mieux faites en rondeur, leurs vertus sont excellentes, soit autant pour réjouir & conforter le cœur, que pour resister à la pourriture & peste, on les prepare en plusieurs façons, pour en tirer le sel, magistere, & autressecrets, pour s'en seruir selon l'ordre preserit des Medecins; Nous, selon l'intention de nostre Autheur, ne les preparons que sur le Porphire, ainsi qu'elles entrent au Diamargaritum frigidum, & en d'autres poudres cordiales.

La Soye est l'ouurage acheué d'vn petit insecte nommé Vers à soye, lequel fait son trauail au mois d'Ayril ou May enuiron, & qui d'vn œuf

en forme de graine apres auoir esté animé par la chaleur, on le voit peu à peu trauailler apres son œuure, qui est d'vn coccon proprement dit, ou foye crue, lequel ayant acheue, il fort d'iceluy, pour reuenir à fon premier estre, il en est de plusieurs couleurs, lesquelles ont autant de vertu les vnes que les autres, de réiouir les esprits, & fortifier se cœur, & toutes les autres parties vitales, l'on s'en sert toute seule incisée, puis puluerisée

fans nulle autre preparation.

Le Musch est l'excrement d'vn Animal, qui vient aux Indes ainsi nommé, lequel se contracte à la region de l'Vmbilic par vn appetit immoderé de ceste beste échausée par le seu de Venus, la-quelle n'ayant pour lors aucun repos ne boit ny mange jusqu'à ce qu'en frottant son ventre sur des pierres & des buissons, elle aye fait ouurir son aposteme, laquelle se rend en Musch tres parfait & bon, par l'influence du Soleil & des Astres, qui semblent contribuerà l'accomplissement de cét ouurage, il n'est pas moins en vsage par la souaissueté de son odeur, que par la multiplicité de ses vertus, éueille les sens, réiouit le cœur, & fortifie le cerueau preocupé quelquesfois par des humeurs froides & malignes; l'on vse d'i-celuy en beaucoup de compositions & poudres cardiaques, aussi bien qu'en d'autres rencontres selon que besoin est.

DES VEGETAVX.

SI pour l'ornement des Iardins on se sert des plantes & des fleurs, nous pour l'excelence des Compositions, & pour l'vtilité qu'elles y apportent nous seruirons des mesmes, & de tout ce que sous le genre des Vegetables peut estre admis; tel est le Corail, lequel bien que d'aucuns il soit tenu pour mineral, nous, selon le sentiment de quelques autres, luy donnerons son rang parmy les vegetaux, soit autant par son ame vegetatine, que par sa production en sorme de branches d'arbre, il croist dans la Mediterranée d'vne substance pierreuse, lequel pourtant on veut qui soit tendre tant qu'il demeure dans la Mer, & qu'il s'endurcisse au premier sentiment de l'air, il y en a trois especes, le blanc, le noir & le rouge, desquels l'vsage n'est pas commun, excepté du blanc quelquesfois, & du rouge bien sou-uent, le rouge à la vertu de fortisser le foye, purifier le sang, de preseruer de peste, & de fiévre veneneuse; on l'employe en plusieurs compositions differentes, nous nous en seruirons, preparé seulement comme les fragmens cy-dessus & s'il n'aura pas moins de bonnes qualitez que son sel, son syrop, sa teinture, & son magistere.

La Tormentille est ainsi appellée de ce que par fa vertu elle appaise le tourment insuportable des dents, & des Grecs : #440,000 qui veut dire herbe à sept fueilles, elle naist dans les lieux incultes& montagneux, on se sert de la plante ou du tout, nous ne voulons que la racine, laquelle doit estre noirastre par dehors & rouge au dedans, adstringente au goust & chaude moyennement en qualité, & pour ce resiste au venin & à la pourriture inueterée.

Le Kermes est vne excroissance qui vient au dessous de la fueille d'vn espece de Ieuse comme vn grain de poiure pour sa forme, lequel s'appelle en Latin Ilex Coccigera, differant beaucoup de l'Ilex Glandifera, le nom de Kermes luy est donné comme qui diroit Escarlate, & de Vermillon en François, à cause du vermeil, couleur qu'il imprime à la teinture des foyes & autres, il croist quant & quant luy vn petit papillon, lequel trouuant la maturité du grain, le perce & s'en va, l'on l'amasse en quantité dans l'Espagne, Prouence & Languedoc au mois de Iuin & Iuillet; il est bon non seulement pour auiuer les cou-leurs, mais aussi pour réiotiir, & corroborer tou-tes les facultez vitales & animales, dissipant toutes vapeurs noires & melancholiques : on fait diceluy le fyrop pour la Confection Alkermes & pour autres vsages.

Le Dictam est de deux especes, s'vn nommé blanc & l'autre de Crete, le blanc croist dans ce Pays, lequel ne pouvant égaler en vertu celuy de Crete, on le laisse bien souvent pour se servir du meilleur, il s'appelle Dictam de Crete, à cause d'yne montagne nommée Dictis qui est dans la Crete, ou il croist abondamment, il est fort ressemblant au Pouliot, excepté qu'il a les sueilles vn peu plus grandes, & plus velus sou cottonées; c'est vn puissant Alexipharmaque, & excellent Hysterique pris en substance; on tient qu'il a esté conneu & découuert des Certs premierement, parce qu'estant blessez des sleches, ils s'en vont cherchant cétte herbe pour s'en frotter & incontinent le dard cheoit à terre. Nous employons celuy de Crette comme le meilleur, il faut qu'il soit blanc & cottoné, d'vn goust acre & picquant, & d'vne odeur semblable au Thym, & nous le mettrons en poudre selon son rang de trituration.

Les Santaux sont de trois sortes citrin, blanc

Les Santaux (ont de trois fortes citrin, blanc' & rouge, ils nous font apportez des Indes comme vn bois tre rare, à cause du danger des bestes farouches qui frequentent le lieu ou c'est qu'ils croissent, le citrin est le meilleur en vertu par son odeur agreable de citron, d'où ilà tiré son nom; les autres le tirent de la couleur, l'on se sert de tous les trois auantageusement dans le Diatriasantali, & dans beaucoup d'autres poudres & compositions cordiales, tant par ses vertus familieres auec le soye, qu'auec le cœur & les autres visceres, les pulucrisant seulement, ainsi que dans la presente.

La Myrrhe est vne Gomme-resine, ou suc que l'on croit resineux d'vn certain arbre, lequel estant incisé, iette à la force du Soleil la Gomme qui se trouue amassée au pied des arbres, sur des

E- natte

nattes ou planches qu'on met dessous pour la propreté;il faut que la bonne soit legere, friable, d'vne égale couleur, roussaite, acre & amere au goust, d'vn odeur soiteue, qu'elle ne soit point noire ny pesante, on en apporte d'Arabie, mais celle des Troglodites est la meilleure, on s'en sert toute pure aux obstructions de la matrice, pour expulser le seus, & aux siévres pour les chasser, particulierement les quartes, on l'employe aussi exterieurement aux onguents & emplastres.

Les Rozes ne different qu'en la multiplicité des fueilles & des couleurs, il n'y a que trois especes en vsage en Medecine, scauoir les blanches les passes, & les rouges desquelles nous auons be soin pour le present, on les nomme de Prouins, à cause du lieu ainsi appellé d'où elles viennent, quoy qu'en Languedoc & Prouence on puisse en amasser d'aussi belles & bonnes, d'vn rouge mourant & inoderes, s'vsage d'icelles est la fleur ou les capillamens appellez Anibera; comme sont diuerses en especes, aussi le sont elles en qualité, pourtant les nostres surpassent en ce qu'elles sont cordiales fortissant & corroborant les esprits vitaux & animaux, les passes lachent, & les blanches resserteurent, on en vse de toutes en plusseurs preparations & compositions differentes.

Le Safran est la fleur d'vne Plante bulbeuse qui croist facilement par tout, lors qu'il est cultiué, le meilleur est celuy du Gattinois, Prouence, Sicille & autres parts qui est d'vne cou15

leur auiuée, & qui teint en iaune, on le contrefait & augmente auec fleurs de Carchamus ou filaments de vieille chair de beuf salé seichée, il entre dans plusieurs composez mis en poudre, pour ce qu'il possed de tres rares qualitez, il est cordial & tres conuenable aux affections non seulement des poumons, mais encore de tous les autres visceres propres pour les sonctions vitales.

L'Ozeille semble ne valoir pas la peine d'en parler, tant commune elle est, pourtant ses especes sont deux, la longue & la ronde, nous discourerons seulement, de la plus vtile pour nostre Consection; c'est donc l'Acetosa maior sel-mestri, qui s'employe en plusieurs compositions en sa seuille, en sa racine, ou en toute la plante. Nous selon nostre besoin nous seruirons de la semence, laquelle aussi bien que la plante est cardiaque, hepatique & rafraichissante, resistant à la pourriture & aux siévres malignes & pestilentielles, le nom luy est donné par le rapport du goust qu'elle à auec le vinaigre. la semence est triangulaire, la plus entière & mieux nourrie est la meilleure.

Le Pourpier est vne plante assez connue d'vn chacun & mise en vsage, pour ses sueilles & sa semence seulement, le cultiué est preseré au sauuage, nous, comme besoin est, prendrons la semence de celuy des Iardins, qui est fort menue & noire, ressemblant à la poudre à canon, ses qualitez ne sont pas de peu de prix, elle appaise l'arter.

deur des fiévres chaudes & malignes, chasse les vers & la pouritture, est amie du foye en le rafraichissant.

Le Citron est le fruict d'vn arbre croissant abondamment en Espagne, Italie & Prouence, lequel verdit toute l'année portant fleurs & fruits meurs & verts en mesme temps, ses especes ne different qu'en leur forme; car les vns sont d'vne grosseur semblable aux pommes, d'vn maniement vn peu rude d'odeur agreable de couleur verdastre, de goust doux, & quelques. fois aigre, & iceux on appele proprement li-mons; les autres font gros deux fois plus que les premiers, bien faits ronds & polis à la main, d'odeur pas trop forte, de couleur jaune dorée & de goust ordinairement doux & de petite escorce, que l'on nomme vulgairement pommes d'Adam; les autres enfin sont d'vne substance & forme plus rude autant par la grosseur du fruict que par l'espesseur de son escorce, on les appelle veritablement Citrons, en tant que c'est d'iceux qu'on fait l'escorce de Citron confite, l'aigre de ce-dre & autres, on se sert d'iceux en tout ou en parties, lesquelles ne sont pas de peu de valeur pour plusieurs compositions; nous, selon la volonté de nostre Autheur nous seruirons de la semence de celuy-cy, laquelle pour ne pouuoir re-couurer asseurément veritable, sera que nous employerons celle des Limons comme autant bonne en valeur qu'en qualité, propre à chasser les vers, resister au venin & à la pourriture des fiévres chaudes & malignes, la meilleure doit estre la plus iaune & mieux nourrie de substance vn peu grasse en dedans & amaire aussi bien qu'en dehors, elles ne demandent autre preparation que de leur oster la premiere escorce, & les

piler felon leur rang.

Le Suc ainsi qu'il nous est commandé doit estre des fruiêts des mesmes Limons cy-dessus, lequel on doit tirer à la parfaite maturité d'iceux, separés premierement de leurs escorces, & exprimés par vn linge blanc, puis filtrez par vn papier gris dans vn vaisseau de verre ou de terre vernisse & non autrement, crainte que leurs accidité ne tira le verdet du cuivre comme il pourroit arriuer, si on se servoit de bassines d'airain, son vsage n'est pas de moindres vertus que la graine; nous apres toutes ces preparations requises en faisons du Syrop de Limon aucc du sucre, out bien de la Cassonade, mais il faut voir auparauant que c'est que Sucre.

Le Sucre est le suc d'vne certaine plante faite en forme des Cannes de ce Pays, laquelle croist en quantité aux Indes, au Leuant, & en beaucoup d'autres parts de l'Europe, l'on tire ledit suc par incisson rarement pourtant, mais bien d'ordinaire par elixation qu'on fait des moüelles & racines iusqu'à que ledit Sucre se fige au sonds du vaisseau en forme de sel, les noms qu'on impose aux Sucres semblent nous saire d'iceux quelque aux Sucres semblent nous faire d'iceux quelque

difference pourtant c'est tousiours la mesme chose, excepté qu'ils portent les noms des lieux d'où ils viennent, où de la qualité qu'ils ont, comme sucre commun, rassiné, Candi, de Madere, du Le. uant, de Valence en Espagne & autres parts, le meilleur est celuy de Madere rassiné à la Royale, d'vne blancheur estincelante en forme de cristal, de substance dure à rompre & friable en pilant, l'on l'employe non seulement pour faciliter l'v-sage des alimens medicamenteux, mais aussi pour rendre plus delicats & agreables les medicamens alimenteux, nous faisons d'iceluy le Syrop de Limon tel qu'il est requis pour le message de nostre Confession.

Enfin (Messieurs,) comme de plusieurs pieces ensemble, tout Art selon son employ se delecte d'en faire vn corps propre pour quelque sin, nous selon ce qui requiert de nostre Office, ferons de diuers & plusieurs medicamens simples en soy vn excellent Composé, lequel contenant en soy l'abregé de toutes les vertus particulieres, se rendra d'autant plus puissant, ainsi que nous fait soy ce celebre Prouerbe qui dit, Presu voita fortior, de sorte que nous aurons vne Confection & Composition Alexipharmaque & tres cordiale, pour s'en seruir aux besoings & necessite composition.

Ie soubsigne Dotheur aggregé au College des Medecins à Lyon certifie d'autoiresse present à la prononciation de ce discours, traittant de la Confection de Hyacinthe, c'r weil la demonstration des Ingrediens d'icelle que l'approune. A Lyon,ce 20. Septembre 1663.

LEAL.

Nous Confeillier & Medecin Ordinaire du Roy, & de S. A.R. Do Heur en l'Princifité de Montpelier, Profesur aggregé au College des Medecins de Lyon, certifions que IEAN PAVL FERRO nais de la Ville de Nice, demeurant audit Lyon, & exerçant la Pharmacie en la Boutique de la Damoifelle Moze vefou de feu Steur laques Moze viunant Maifre Apoticaire en ladite ville de Lyon, a fidelement différé la Confession de Hyacinthe comme nous l'auons veu & cufuite il a prononcé le difeours fus-imprimé, par luy composé, ce que vous afteur ons en verité, à Lyon, ce 21. Septembre 1663.

L. MEYSSONNIER.

FIN